



PANDUAN PENTAULIAHAN PERSIJILAN KEMAHIRAN MALAYSIA

**GARIS PANDUAN PENGURUSAN SISTEM
PERSIJILAN KEMAHIRAN MALAYSIA (SPKM)
UJIAN TANPA MUSNAH (NDT) SEPANJANG
PERINTAH KAWALAN PERGERAKAN (PKP)**

**JABATAN PEMBANGUNAN KEMAHIRAN
KEMENTERIAN SUMBER MANUSIA
MALAYSIA.**

KANDUNGAN

1.0	SKOP PANDUAN	3
2.0	TUJUAN PANDUAN	3
3.0	SINGKATAN	4
4.0	TAFSIRAN	4
5.0	POLISI SEMENTARA BERKAITAN PERSIJILAN NDT	4
6.0	POLISI SEMENTARA BERKAITAN PEPERIKSAAN NDT	6
7.0	PELAKSANAAN LATIHAN	7
8.0	TARIKH KUATKUASA	8

1. SKOP PANDUAN

Garis panduan ini disediakan sebagai panduan dan rujukan bagi memperincikan berkenaan pengurusan Sistem Persijilan Kemahiran Malaysia (SPKM) Ujian Tanpa Musnah (NDT) berikutan pelaksanaan Perintah Kawalan Pergerakan (PKP) kesan daripada pandemik COVID-19.

2. TUJUAN PANDUAN

Pandemik COVID-19 telah memberikan kesan yang sangat besar kepada negara-negara di seluruh dunia dan tidak terkecuali Malaysia yang turut terkesan dalam semua aspek. Di Malaysia, kes pertama jangkitan COVID-19 telah dikesan pada 23 Januari 2020 dan Kerajaan telah melaksanakan PKP bermula 18 Mac 2020 sehingga 28 April 2020 di seluruh negara. Berdasarkan kepada perkembangan semasa dan membendung penularan jangkitan COVID-19, Kerajaan telah melanjutkan tempoh PKP ke fasa seterusnya iaitu sehingga 28 April 2020.

Selaras dengan pelaksanaan PKP, JPK telah membangunkan satu garis panduan sementara berkaitan pengurusan SPKM NDT, merujuk kepada keperluan ISO 9712. Sehubungan itu, pelanjutan tarikh sah laku sijil telah dibenarkan bagi pemegang-pemegang sijil yang berkenaan dan calon-calon yang terjejas. Pelanjutan ini dilaksanakan secara automatik dan tidak memerlukan sebarang permohonan. Buat masa ini, tempoh sah laku Sijil yang tidak termasuk dalam tempoh yang dinyatakan adalah tidak termasuk dalam kategori diberi pelanjutan.

Objektif garis panduan ini adalah untuk membantu penyelarasan aktiviti persijilan, peperiksaan dan pelaksanaan latihan SPKM NDT di bawah seliaan JPK. Ia digunakan sebagai rujukan kepada semua personel SPKM NDT termasuklah pemegang-pemegang Sijil SPKM NDT, calon-calon, Pusat-pusat Bertauliah dan Pusat-pusat Peperiksaan NDT JPK serta pihak berkepentingan lain mengenai pengurusan SPKM NDT susulan pandemik COVID-19 dan pelaksanaan PKP di Malaysia.

3. SINGKATAN

COVID-19	- <i>Coronavirus disease</i>
JPK	- Jabatan Pembangunan Kemahiran
NDT	- <i>Non-Destructive Testing</i>
P&P	- Pengajaran dan Pembelajaran
PKP	- Perintah Kawalan Pergerakan
SKM	- Sistem Kemahiran Malaysia
SPKM	- Sistem Persijilan Kemahiran Malaysia

4. TAFSIRAN

Perintah Kawalan Pergerakan

Tindakan pencegahan oleh Kerajaan Persekutuan Malaysia melalui pelaksanaan kawalan gerakan atau kuarantin di seluruh negara bagi mengasing dan mengekang wabak koronavirus COVID-19.

5. POLISI SEMENTARA BERKAITAN PERSIJILAN NDT

Polisi sementara bagi menyelaraskan perkara-perkara berkaitan persijilan NDT adalah seperti berikut:

- 5.1 Tarikh sah laku sijil SKM NDT Tahap 1, Tahap 2 dan Tahap 3 yang tamat tempoh bermula pada **18 Mac 2020** dan seterusnya, dilanjutkan secara automatik tanpa perlu memohon, ke **18 September 2020**.
- 5.2 Bagi permohonan pembaharuan dan persijilan semula yang lengkap diterima JPK melalui eNDT sebelum bermulanya Perintah Kawalan Pergerakan dan belum diangkat ke Mesyuarat Permohonan Persijilan NDT, tarikh sah laku sijil juga dilanjutkan secara automatik ke 18 September 2020.
- 5.2 Pembaharuan persijilan masih boleh dilakukan secara atas talian melalui eNDT. Walau bagaimanapun, kelulusan tertakluk kepada keputusan Mesyuarat Jawatankuasa Persijilan dan hanya akan dilaksanakan selepas tempoh PKP tamat.

- 5.3 JPK selaku badan persijilan yang bertanggungjawab seharusnya dimaklumkan dengan segera sekiranya terdapat syarat yang disebut di atas yang tidak dipenuhi.
- 5.4 Peperiksaan verifikasi yang ditangguhkan semasa tempoh PKP hendaklah dilakukan secepat mungkin setelah tamat PKP sehingga pelanjutan tempoh diberikan.
- 5.5 Tempoh sah laku sijil adalah kekal dan tidak terkesan dengan pelanjutan tempoh yang dilaksanakan. Sebagai contoh, sijil yang akan tamat tempoh pada 4 April 2020, di bawah peraturan lanjutan ini, dikehendaki untuk menjalani peperiksaan verifikasi sebelum tempoh pelanjutan berakhir iaitu 18 September 2020. Sekiranya calon dapat meduduki peperiksaan dengan jayanya, maka sijil akan diperbaharui semula selama lima (5) tahun lagi bermula dari tarikh tamat sah laku sijil yang asal.
- 5.6 Tanggungjawab majikan sebagaimana terperinci dalam ISO 9712 adalah kekal dan tidak berubah.
- 5.7 JPK akan sentiasa memantau dan sebarang perubahan mengikut keperluan semasa akan dimaklumkan kelak.
- 5.8 Contoh pengiraan tarikh tamat baharu bagi Sijil pemohon pembaharuan dan persijilan semula yang tamat bermula pada 18 Mac 2020, dilanjutkan ke 18 September 2020.

Contoh	Jenis Permohonan	Tarikh Tamat Asal	Tarikh Tamat Baru
1	Pembaharuan	30 Mac 2020	18 September 2020
2	Pembaharuan	17 Mac 2020	Tiada (Mengikut Tarikh Tamat Asal)
3	Persijilan Semula	26 Jun 2020	18 September 2020
4	Persijilan Semula	5 Mac 2020	Tiada (Mengikut Tarikh Tamat Asal)

6. POLISI SEMENTARA BERKAITAN PEPERIKSAAN NDT

Polisi sementara bagi menyelaraskan perkara-perkara berkaitan peperiksaan NDT adalah seperti berikut:

- 6.1 Sesi peperiksaan NDT hanya akan dilaksanakan satu (1) minggu selepas tamat tempoh PKP.
- 6.2 Pelaksanaan peperiksaan selepas tamat tempoh PKP adalah berdasarkan kepada jadual peperiksaan di portal JPK dan eNDT. Namun, sesi peperiksaan adalah bergantung kepada ketetapan dan kesediaan PB NDT.
- 6.3 Calon perlu berhubung dengan PB NDT bagi mendapatkan maklumat tarikh sebenar pelaksanaan peperiksaan.
- 6.4 Calon boleh mendaftar untuk menduduki peperiksaan melalui sistem eNDT setelah sesi peperiksaan diwujudkan dalam sistem eNDT.
- 6.5 Peperiksaan yang ditangguhkan semasa tempoh PKP hendaklah dilakukan secepat mungkin setelah tamat tempoh PKP, iaitu seawal satu (1) minggu selepas tamat PKP.
- 6.6 Tarikh sah laku slip peperiksaan yang tamat tempoh bermula pada **18 Mac 2020** dan seterusnya akan dilanjutkan secara automatik ke **18 September 2020**.
- 6.7 Slip peperiksaan adalah terbatal sekiranya calon tidak membuat sebarang permohonan persijilan baharu selepas **18 September 2020**. Calon perlu mengikuti semula kursus dan menduduki semula peperiksaan jika masih ingin mendapatkan SKM NDT.
- 6.8 Calon yang gagal dalam peperiksaan sebelum ini dan tarikh sah laku slip peperiksaan tamat dalam tempoh PKP, beliau boleh menduduki semula peperiksaan sebelum **18 September 2020**.
- 6.9 Permohonan persijilan baharu masih boleh dilakukan secara atas talian melalui eNDT. Walau bagaimanapun, kelulusan tertakluk kepada keputusan Mesyuarat

Jawatankuasa Persijilan NDT dan hanya akan dilaksanakan selepas tempoh PKP tamat.

- 6.10 JPK selaku Badan Persijilan yang bertanggungjawab seharusnya dimaklumkan dengan segera sekiranya terdapat syarat yang disebut di atas yang tidak dipenuhi.
- 6.11 Tempoh sah laku slip peperiksaan adalah kekal dan tidak terkesan dengan pelanjutan tempoh yang dilaksanakan. Sebagai contoh, slip peperiksaan yang akan tamat tempoh pada 4 April 2020, di bawah peraturan lanjutan ini, dikehendaki untuk memenuhi syarat permohonan persijilan baharu sebelum tempoh pelanjutan berakhir iaitu **18 September 2020**. Sekiranya calon dapat memenuhi syarat permohonan persijilan baharu dengan jayanya dan disahkan pada Mesyuarat Jawatankuasa Persijilan NDT, maka sijil akan dikeluarkan bagi tempoh selama lima (5) tahun bermula dari tarikh Mesyuarat Jawatankuasa Persijilan NDT.
- 6.12 Tanggungjawab majikan sebagaimana terperinci dalam ISO 9712 adalah kekal dan tidak berubah.
- 6.13 JPK akan sentiasa memantau dan sebarang perubahan mengikut keperluan semasa akan dimaklumkan kelak.

7. PELAKSANAAN LATIHAN

- 7.1 Pelaksanaan latihan semasa PKP boleh dilaksanakan bagi komponen teori mengikut ketetapan berikut:
 - a. PB digalakkan menggunakan kaedah pembelajaran melalui pelbagai platform pembelajaran secara atas talian, seperti Google Classroom, Telegram, WhatsApp, EasyClass, Skype atau aplikasi lain yang bersesuaian.
 - b. Pengajar boleh mengarahkan pelatih melaksanakan aktiviti pembelajaran menggunakan nota latihan atau apa-apa alat bantuan mengajar yang bersesuaian tanpa keluar rumah.

- c. Pengajar boleh menggunakan platform pembelajaran atas talian secara berkumpulan pada satu-satu sesi dan setiap bukti pembelajaran perlu disimpan untuk tujuan semakan JPK. Pelatih yang tidak dapat mengikuti sesi berkumpulan atas sebab-sebab yang tidak dapat dielakkan, boleh diberi capaian untuk mendapatkan nota-nota yang digunakan seterusnya menyelesaikan tugas/latihan dalam tempoh yang ditetapkan.
- d. Pengajar hendaklah memastikan jumlah jam Pengajaran dan Pembelajaran (P&P) direkod merujuk kepada tempoh latihan yang ditetapkan. Jumlah jam latihan yang dilaksanakan ini akan disemak dan disahkan oleh Penyelia JPK semasa sesi peperiksaan.
- e. Pengajar diberi fleksibiliti dari segi masa P&P, kaedah membimbing pelatih, menyemak dan memeriksa latihan/tugas/aktiviti pelatih. Keadaan ini bergantung kepada kesediaan dan keupayaan serta bentuk komunikasi dan aplikasi yang digunakan.
- f. Penghantaran dan pengambilan bahan cetak yang melibatkan pergerakan keluar rumah dalam tempoh PKP adalah dilarang sama sekali.
- g. Pelatih yang menghadapi masalah mengikuti sesi P&P secara atas talian sepanjang tempoh PKP, hendaklah berjumpa dengan pengajar selepas tempoh PKP tamat bagi melaksanakan latihan dalam satu sesi khas supaya tidak mengganggu aktiviti pembelajaran semasa.

7.2 Pelaksanaan latihan bagi komponen praktikal hendaklah dijalankan di premis latihan setelah tempoh PKP tamat.

8. TEMPOH KUATKUASA

Garis panduan ini terpakai bermula tarikh PKP iaitu pada 18 Mac 2020 sehingga tarikh pelanjutan tamat pada 18 September 2020.

“BERKHIDMAT UNTUK NEGARA”

**KETUA PENGARAH
JABATAN PEMBANGUNAN KEMAHIRAN
KEMENTERIAN SUMBER MANUSIA.**